

**Азаматтардың жекелеген санаттарын тегін дәрі-дәрмекпен қамтамасыз ету жөнінде әлеуметтік көмек көрсету Қағидасын бекіту туралы**

***Күшін жойған***

Астана қаласы әкімінің 2005 жылғы 13 қаңтардағы N 3-1-28қ Қаулысы. Астана қаласының Әділет департаментінде 2005 жылғы 21 қаңтарда N 371 тіркелді. Күші жойылды - Астана қаласы әкімдігінің 2007 жылғы 12 қазандағы N 23-887қ қаулысымен

*Ескерту: Күші жойылды - Астана қаласы әкімдігінің 2007 жылғы 12 қазандағы N 23-887қ қаулысымен*

" Қазақстан Республикасындағы жергілікті мемлекеттік басқару туралы", " Ұлы Отан соғысының қатысушылары мен мүгедектеріне және соларға теңестірілген адамдарға берілетін жеңілдіктер мен оларды әлеуметтік қорғау туралы" Қазақстан Республикасының заңдарына сәйкес, Астана қаласы мәслихатының 2005 жылғы 26 мамырдағы N 143/18-III "Астана қаласы бюджетінің қаражаттары есебінен әлеуметтік көмек көрсетуге мұқтаж азаматтар санаттарының тізімі туралы" шешімін ескеріп Астана қаласының әкімдігі

**Қ А У Л Ы** **Е Т Е Д І :**

*Ескерту: преамбула жаңа редакцияда жазылды - Астана қаласы әкімдігінің 2006 жылғы 9 қаңтардағы N 23-6-29қ қаулысымен .*

1. Қоса беріліп отырған азаматтардың жекелеген санаттарын тегін дәрі-дәрмекпен қамтамасыз ету жөнінде әлеуметтік көмек көрсету Қағидасы бекітілсін ( 1 - қ о с ы м ш а ) .

2 . < \* >

*Ескерту: 2-тармақ алынып тасталды - Астана қаласы әкімдігінің 2007 жылғы 30 наурыздағы N 23-251қ қаулысымен.*

3. Астана қаласы әкімдігінің 2004 жылғы 26 ақпандағы N 3-1-604қ "2004 жылы азаматтардың жекелеген санаттарын тегін және жеңілдік дәрі-дәрмекпен қамтамасыз ету жөнінде әлеуметтік көмек көрсету Қағидасын бекіту туралы" қаулысының (Астана қаласының Әділет департаментінде 2004 жылдың 18 наурызында N 316 болып тіркелген; 2004 жылғы 6 сәуірдегі N 46 "Астана хабары", 2004 жылғы 1 сәуірдегі N 36 "Вечерняя Астана" газеттерінде жарияланған) күші жойылды деп танылсын .

4. Осы қаулының орындалуын бақылау Астана қаласы әкімінің орынбасары М.Е. Толыбаеқа жүктелсін.

Әкім

Әкімнің орынбасары

Әкімнің орынбасары

Әкімнің орынбасары

Әкімнің орынбасары

Әкім аппаратының басшысы

"Астана қаласының Қаржы  
департаменті" мемлекеттік  
мекемесінің директоры

Құжаттамалық сараптама  
бөлімінің меңгерушісі

"Астана қаласының Денсаулық  
сақтау департаменті"  
мемлекеттік мекемесінің  
директоры

"Астана қаласының Еңбек,  
халықты жұмыспен қамту  
және әлеуметтік қорғау  
департаменті"  
мемлекеттік мекемесінің  
бастығының міндетін

атқарушы

Астана қаласы әкімдігінің  
2005 жылғы 13 қаңтардағы  
N 3 - 1 - 28 қ қаулысына

1-қосымша

**Азаматтардың жекелеген санаттарын тегін  
дәрі-дәрмекпен қамтамасыз ету  
жөніндегі әлеуметтік көмек көрсету  
Қағидасы**

Осы Азаматтардың жекелеген санаттарын тегін дәрі-дәрмекпен қамтамасыз ету жөнінде әлеуметтік көмек көрсету Қағидасы (бұдан әрі - Қағида) Қазақстан Республикасындағы жергілікті мемлекеттік басқару туралы, "Ұлы Отан соғысының қатысушылары мен мүгедектеріне және соларға теңестірілген адамдарға берілетін жеңілдіктер мен оларды әлеуметтік қорғау туралы" Қазақстан Республикасының заңдарына сәйкес, Астана қаласы мәслихатының 2005 жылғы 26 мамырдағы N 143/18-III "Астана қаласы бюджетінің қаражаттары есебінен әлеуметтік көмек көрсетуге мұқтаж азаматтар санаттарының тізімі туралы" шешімін ескеріп әзірленді.

*Ескерту: преамбула жаңа редакцияда жазылды - Астана қаласы әкімдігінің 2006 жылғы 9 қаңтардағы N 23-6-29қ қаулысымен .*

## **1. Жалпы ережелер**

1. Емханалық емделгенде дәрігерлердің рецепті бойынша дәрі-дәрмек құралдары азаматтардың мына санаттарына тегін беріледі:

1) "Ұлы Отан соғысының қатысушылары мен мүгедектеріне және соларға теңестірілген адамдарға берілетін жеңілдіктер мен оларды әлеуметтік қорғау туралы" Қазақстан Республикасының Заңы 5-8-баптарымен мәртебелі анықталған Ұлы Отан соғысына қатысқандар, мүгедектер және оған теңестірілген адамдарға ;

*Ескерту: 1-тармаққа өзгерту енгізілді - Астана қаласы әкімдігінің 2006 жылғы 9 қаңтардағы N 23-6-29қ қаулысымен .*

2) Қазақстан Республикасының алдында ерен еңбегі үшін зейнетақы алушы зейнеткерлерге .

2.«"Жергілікті өкілдік органдардың шешімдері бойынша мұқтаж азаматтардың жекелеген санаттарына әлеуметтік төлемдер" (бұдан әрі - Бағдарлама) бағдарламасының әкімдері""Астана қаласының Жұмыспен қамту және әлеуметтік бағдарламалар департаменті" мемлекеттік мекемесі" (бұдан әрі - Департамент) болып табылады .

*Ескерту: 2-тармақ жаңа редакцияда жазылды - Астана қаласы әкімдігінің 2006 жылғы 9 қаңтардағы N 23-6-29қ қаулысымен .*

3. Бағдарламаны іске асыру мақсатында мемлекеттік сатып алулар туралы заңдарға сәйкес азаматтардың жекелеген санаттарына дәрі-дәрмек құралдарының жабдықтаушысы (бұдан әрі - Жабдықтаушы) анықталады.

Әкімші және жабдықтаушымен тараптар міндеттері мен ол міндеттерді орындау жағдайы көрсетілген шарт жасалады.

4. Дәрі-дәрмек құралдарымен тегін қамтамасыз ету үшін дәрігерлердің белгіленген үлгідегі жеңілдік рецептері негіздеме болып саналады.

5. Осы Қағиданың 1-тармағында көрсетілген азаматтардың жекелеген санаттары үшін тегін берілетін дәрі-дәрмек құралдарының тізбесі жыл сайын бекітіледі.

## **2. Қаржыландыру көзі**

6. Азаматтардың жекелеген санаттарына тегін дәрі-дәрмектерімен қамтамасыз етуді қаржыландыру көзі қаланың бюджеті болып табылады.

## **3. Тегін дәрі-дәрмек құралдарын беру тәртібі**

7. Қазақстан Республикасы Денсаулық сақтау министрлігі Ұлы Отан соғысы мүгедектері үшін Республикалық клиникалық госпиталь арқылы қалалық филиалы (бұдан әрі - Клиникалық госпиталь) бекітілген дәрі-дәрмек құралдары

тізіміне және Қазақстан Республикасы Еңбек және халықты әлеуметтік қорғау министрлігі "Мемлекеттік Зейнетақы төлеу орталығы" республикалық мемлекеттік қазыналық кәсіпорынының қалалық филиалы (бұдан әрі - МЗТО) ұсынған тізімге сәйкес осы Қағиданың 1-тармағында көрсетілген азаматтар санаттарына жеңілдік рецепттер беруді жүзеге асырады.

8. МЗТО жүзеге асырады:

1) осы Қағиданың 1-тармағында көрсетілген азаматтар санынан тегін рецепттерді алушылар тізімін қалыптастырады, сондай-ақ жаңа тағайындалған және келген азаматтардың тізімін Әкімшіге айына бір рет береді;

2) Әкімшіге берілген тізімдердің анықтылығын бақылау.

9. Жеңімпаз:

1) осы Қағиданың 1-тармағында көрсетілген азаматтар санатына Клиникалық госпиталь берген жеңілдік рецепттерді көрсету арқылы бекітілген дәрі-дәрмек құралдары тізбесіне сәйкес дәрі-дәрмекті беруді жүзеге асыруға;

2) ай сайын келесі айдың 5 күніне дейін Әкімшіге жіберілген дәрі-дәрмек құралдарының тізбесін және берілген дәрі-дәрмек құралдарының рецепттерінің түпнұсқасын ұсынады.

10. Әкімші осы Қағиданың 1-тармағында көрсетілген азаматтардың жекелеген санаттарын дәрі-дәрмек құралдарымен тегін қамтамасыз етуге байланысты тапсырылған дәрі-дәрмек құралдарының, орындалған жұмыстар актілері мен дәрігерлер берген рецепттер түпнұсқасы негізінде қала бюджетінде тиісті қаржы жылына көзделген қаражаттар шегінде шығындар төлемін тікелей жеңімпазға жүргізеді.

Астана қаласы әкімдігінің  
2005 жылғы 13 қаңтардағы  
N 3-1-28қ қаулысына

2-қосымша

*Ескерту: 2-қосымша алынып тасталды - Астана қаласы әкімдігінің 2007 жылғы 30 наурыздағы N 23-251қ қаулысымен.*